

# SCRIPTA

---

**Numéro Scripta :** 1271

**Auteur(s) :** Bayeux (vicomte)

**Bénéficiaire(s) :** Bayeux (chapitre cathédral)

**Genre d'acte :** charte

**Authenticité :** non suspect

**Datation :** 1288, 17 avril

**Lieu d'émission :** Bayeux

**Action juridique :** autre

**Langue du texte :** ancien français

## Analyse

Lucas Le Carpentier reconnaît devant le vicomte de Bayeux qu'il a vendu au chapitre de Bayeux, pour 4 livres et 10 sous tournois, une demiacre de terre à Audrieu. Sa femme renonce, avec serment, à tous ses droits.

## Tableau de la tradition

### Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CCCCXCVI, t. 2, p. 238-239.

Texte établi d'après a

A touz cels qui ces letres verrunt, le visconte de Baiex, saluz. Sachies que Lucas Le Carpentier, de la parroisse de Crissetot, establi en dreit par devant nous, recognut que il a vendu affin, par le consentement Aveline, sa femme, au chapitre Nostre Dame de Baiex, por quatre livres et dis solz de Torneis que il a eu deu dit chapitre et receu, c'est assaver demie acre de terre assise en terroor d'Audrieu, en la dele deu Queitinel, joste la terre deu dit chapitre, d'une partie, et la terre Robert Bec de Fer, de l'autre, à tenir, à aver, à porsseer affin la dite demiee acre de terre au dit chapitre et à lour successors, franchement, quitement, bien et em pez, sauve la dreiture au chief seignor. Et le dit Lucas et ses hers sunt tenuz et deivent au dit chapitre et à lor successors la dite demie acre de terre garantir et deffendre contre touz, et garder les en de touz damages, ou eschangier en lor propre héritage où que il seit, souffisamment, se mestier esteit. Et la dite Aveline jura par devant nous, o l'autorité de son mari, sus les saintes evvangiles, et pramist par sa fey à cen tenir ferm et estable à touz jourz, et que el n'ira encontre desorénavant, par reson de mariage encombré, ne de don, ne de héritage, ne de autre chose. Et renonça pour lie et pour ses hers à tout le dreit que ele aveit et poveit aver en la dite demie acre de terre, sanz réclamance fere desorénavant. Et en tesmoig de cen, ceste letre est seelée deu seel. de la visconté de Baiex, à la requeste des parties, sauve la dreiture le Rei et autrui, o les seels des diz Lucas et Aveline. Ce fu fet en l'an de grâce mil ijc quatre vinz et oiet, le samedi devant la feste saint Geore.